

## SAMPYKKT um meðhöndlun úrgangs á Akranesi.

### I. KAFLI Almenn ákvæði.

1. gr.

*Skilgreiningar og gildissvið.*

Akraneskaupstaður annast meðhöndlun úrgangs á Akranesi, á þann hátt og með þeim takmörkunum sem leiða af samþykkt þessari, lögum um hollustuhætti og mengunarvarnir nr. 7/1998 og lögum um meðhöndlun úrgangs, nr. 55/2003 og reglugerðum settum með stoð í þeim lögum.

Tækni- og umhverfissvið Akraneskaupstaðar fer með stjórn úrgangsmála á Akranesi. Um eftirlit fer skv. lögum um meðhöndlun úrgangs nr. 55/2003 og reglugerðum settum skv. þeim. Til sorpsöfnunar telst hirðing almenns húsasorps frá íbúðarhúsnæði.

Til meðhöndlunar úrgangs telst söfnun, geymsla, pressun, flokkun, flutningur, endurnotkun, endurnýting eða urðun.

Móttökustöð er í landi Akraneskaupstaðar við Höfðasel. Þar er tekið á móti úrgangi sem fellur til á Akranesi. Söfnunarstöðvar eru gámaplön sem starfrækt eru af Akraneskaupstað utan aðalstarfsstöðvar (Gámu) og ætlað er að taka á móti flokuðum úrgangi. Bæjaryfirvöld ákveða í hverju tilfelli hvaða sorpflokkun er tekið á móti í söfnunarstöðvum, innan þeirra marka sem starfsleyfi kveður á um.

2. gr.

*Skyldur verktaka.*

Verktakar sem annast sorpsöfnun samkvæmt samningi við Akaneskaupstað skulu uppfylla ákvæði samninga um meðhöndlun úrgangs og hafa starfsleyfi heilbrigðisnefndar Vesturlands til starfsemi sinnar, samkvæmt ákvæðum reglugerðar nr. 785/1999 um starfsleyfi. Sama gildir um verktaka sem sinna hirðingu rekstrarúrgangs hjá fyrirtækjum á Akranesi.

### II. KAFLI 3. gr.

*Fyrirkomulag sorphirðu frá íbúðarhúsnæði.*

Heimilisúrgangur skal hirtur með regluglegum hætti frá íbúðareigendum. Bæjarstjórn Akraness ákveður í samráði við heilbrigðisnefnd hvaða ílát og hvaða aðferðir skuli nota til sorpsöfnunar. Eigendum og umráðamönnum íbúðarhúsnæðis á Akranesi er skylt að nota þau ílát og þær aðferðir við sorpsöfnun sem bæjarstjórn ákveður.

Akraneskaupstaður leggur íbúðum til viðeigandi sorpílát, samkvæmt nánari ákvörðun bæjarstjórnar. Fyrir viðbótarílát greiðist gjald samkvæmt gjaldskrá. Þar sem stærri ílát henta betur, svo sem við fjölbýlishús, getur bæjarstjórn ákveðið notkun þeirra.

4. gr.

*Skyldur húsráðenda.*

Sorpgeymslur skulu uppfylla ákvæði byggingar- og hollustuháttareglugerða. Sorpgeymslur skulu vera aðgengilegar fyrir starfsmenn sorphirðu og standa sem næst aðkomu að lóð. Þær skulu standa saman ef um fjölbýlishús er að ræða. Húsráðendur skulu halda sorp-

ílátum hreinum, hreinsa snjó frá sorpgeymslum á vetrum og halda greiðfærri leið að þeim svo unnt sé að annast hreinsun.

## 5. gr.

*Notkun sorpiláta.*

Óheimilt er að láta garðúrgang, jarðefni eða grjót í almenn sorpilát. Jarðefnum, þar með töldu grjóti eða mýrbroti, skal komið fyrir á sértilegreindum móttökustað. Óheimilt er að losa í almenn sorpilát spilliefni, hættuleg efni eða efni sem sprengihætta getur stafað af, þunga málmhluti eða tærandi efni.

Spilliefnum, hættulegum úrgangi og öllum endurvinnanlegum úrgangi skal skilað að greindum á sorpmóttökustað (Gámu).

## 6. gr.

*Tíðni sorpsöfnunar.*

Bæjarstjórn ákveður tíðni sorpsöfnunar í bænum sem skal þó eigi fara fram sjaldnar en á 14 daga fresti. Íbúum skal kynnt tíðni sorpsöfnunar með hæfilegum fyrirvara.

## III. KAFLI

**Meðferð úrgangs frá fyrirtækjum.**

## 7. gr.

*Meðferð rekstrarúrgangs.*

Rekstraraðilar bera ábyrgð á söfnun rekstrarúrgangs sem til fellur í starfsemi þeirra og ber að skila rekstrarúrgangi til móttökustöðvar með starfsleyfi. Þeir bera allan kostnað sem af meðhöndlun rekstrarúrgangs hlýst. Söfnun, frágangur og flutningur á úrgangi frá fyrirtækjum og stofnunum skal vera í samræmi við fyrirmæli heilbrigðisnefndar Vesturlands. Ákvæði II. kafla samþykktar þessarar um frágang og umgengni um sorpilát gilda einnig um þau ílát sem fyrirtæki nota undir rekstrarúrgang. Gaeta skal fyllsta hreinlætis við söfnun og flutning og tryggja að ekkert fjúki eða falli af flutningatækjum sem óþrifnaði getur valdið.

Akraneskaupstaður tekur að sér förgun rekstrarúrgangs hjá þeim fyrirtækjum á Akranesi sem þess óska, samkvæmt gjaldskrá sem bæjarstjórn setur og auglýsir.

## IV. KAFLI

**Móttaka úrgangs.**

## 8. gr.

*Móttaka úrgangs í söfnunarstöðvum og móttökustöð.*

Akraneskaupstaður tekur við öllum úrgangi sem til fellur á Akranesi ýmist í móttökustöð (Gámu) eða í söfnunarstöðvum, eftir nánari ákvörðun bæjarstjórnar. Opnunartími söfnunar og móttökustöðvar skal auglýstur opinberlega.

Úrgangur skal flokkaður við móttöku samkvæmt flokkunarreglum Gámu. Spilliefni, svo sem úrgangsolía og úrgangsvökvar, skulu aðskilin frá öðrum úrgangi og uppfylla skilyrði reglugerðar nr. 806/1999 um spilliefni. Heimilt er að undanþiggja gjaldskyldu minni háttar magn, sem komið er með til móttökustöðvar. Ávallt skal leggja gjald á allan rekstrarúrgang.

V. KAFLI  
**Gjaldtaka.**  
 9. gr.

*Almennt sorpuhirðugjald.*

Akraneskaupstaður, að fenginni umsögn heilbrigðisnefndar, leggur á almennt sorphirðu- og sorpeyðingargjald sem standa skal undir þeim kostnaði sem á sveitarfélagið fellur vegna móttöku úrgangs, sorpsöfnunar, annarrar meðhöndlunar og förgunar úrgangs í samræmi við ákvæði 5. mgr. 25. gr. laga nr. 7/1998 um hollustuhætti og mengunarvarnir og 11. gr. laga nr. 55/2003 um meðhöndlun úrgangs. Gjaldið skal aldrei vera hærra en nemur þeim kostnaði sem fellur til í sveitarfélaginu við meðhöndlun úrgangs og tengda starfsemi.

Almennt sorphirðugjald skal taka mið af fjölda og stærð ílátta, hreinsunartíðni og förgun. Sorphirðugjald innheimtist með sama hætti og fasteignagjöld og á sömu gjalddögum.

Kvörtunum vegna álagningar eða innheimtu gjalda skal beint til forstöðumanns sorpmóttökustöðvar (Gámu) eða tækní- og umhverfissviðs. Til tryggingar greiðslu sorphirðugjalta samkvæmt gjaldskrá er lögveðréttur í viðkomandi fasteign í tvö ár frá gjalddaga. Gjaldskráin skal birt í B-deild Stjórnartíðinda.

VI. KAFLI  
**Viðurlög, brottfall og gildistaka.**

10. gr.

*Viðurlagaákvæði.*

Með brot gegn samþykkt þessari fer samkvæmt ákvæðum 33. og 34. gr. laga nr. 7/1998 um hollustuhætti og mengunarvarnir og 24. gr. laga nr. 55/2003 um meðhöndlun úrgangs.

11. gr.

*Brottfall og gildistaka.*

Samþykkt þessi er hér með staðfest samkvæmt ákvæðum 25. gr. laga nr. 7/1998 um hollustuhætti og mengunarvarnir, sbr. 9. gr. laga nr. 55/2003 um meðhöndlun úrgangs til þess að öðlast gildi við birtingu. Með þessari samþykkt fellur úr gildi eldri samþykkt um sorphreinsun á Akranesi nr. 728/1997.

*Umhverfisráðuneytinu, 22. desember 2005.*

F. h. r.  
**Ingimar Sigurðsson.**

*Sigurbjörg Sæmundsdóttir.*

---

B-deild – Útgáfud.: 12. janúar 2006